

文 3172  
7-19



樵隱詩話卷七

星沙象鼎氏林 鈞著

予嘗有句云絕無當道不憐才人皆非笑之且有反其  
說曰未聞當道解憐才予曉之曰子何誣世耶以予足  
跡所至則皆如我所云也且予從未嘗乞人寸函片紙  
以爲先容而又不工奔走從未逢以白眼相加者公等  
之未遇蓋不知善用其才耳或多所干求或借其權勢  
卽不然亦但謀一己之溫飽耳宜爲其白眼也此次遊  
粵遇知音尤多益徵此言之不謬矣

芝隱室詩存長白長樂初將軍善著也其尊公裕莊  
毅公督楚有善政遺愛至今人猶思之夢後

顯廟思其功援漢廷任子例知將軍有文武才特由部  
郎改侍衛二十年中握營篆拜都護而登帥壇轍輶所  
及南極滇粵北至興京閱歷多而著作富遂分

其集爲七曰楚遊曰兩京班聯曰秦蜀紀行曰閒居吟  
曰東華酬唱曰榆關邊宦曰粵遊而附故舊唱和及試  
帖課藝干後將軍鎮粵數年中外懾服興利除弊旗民  
交感暇則與都護今升任杭州果杏岑將軍及諸名士

唱和焉時人比之爲韓范尤憐才出于至性每折節下

交聞其幕友程君稻孫雲佩初不相識以一詩投契遂

成莫逆此亦近來所罕聞也詩雖宗大蘇而出入于唐  
賢故無粗率之病其用筆則絕似蘇其屬詞則似杜與  
王是善干學東坡者也古體尤佳旣工發端又善結韻  
再接再厲將收愈雄如臨岩勒馬勢尙欲馳如吳越謳  
歌曲終調亢是則有關人之出處非可學而能也茲擇  
錄各體以見一斑焉五律池上草堂次韻云避暑桐陰  
晚空堵鶴夢醒呼童鋪几簾隨意憇林亭蕉葉窓分綠

藤花雨滴青夜來風定後還看一池星金覺寺雪夜與  
友坐話云鐘磬連城動沉沉意未闌安閒輸老衲奔走  
愧峩冠語破棋聲寂烟凝篆火殘草堂詩味在目想楚  
江寒

七律入雲棧行山谷中作云亂峯合沓蒼翠圍涼風颯  
颯吹征衣奔泉走石怒湍咽曲磴架木盤空危眼前歷  
盡塵世險谷中仰視天光微仙人之居在何許但見樵  
牧隨雲歸筆古體拗次韻重陽感興二首極悲壯警拔  
茲錄其一云遠道西風一夕來蜀山蜀水幾低徊涼秋

九月鴻飛杳暮雨千峰猿嘯哀骨肉每生佳節感艱難  
苦鍊濟時才酒酣怕讀登樓賦清淚泫泫墮玉杯時令  
弟慎甫滯蜀尙無歸音確耗故云讀此可想見其天性  
之厚矣巡邊六首氣魄雄偉聲調悲壯文樹臣觀察稱  
爲集中壓卷確評也茲錄其一云大漠窮秋草正肥健  
兒隊隊馬如飛千旌耀日爭前導羽扇臨風效一揮極  
塞黃塵消客鬢滿山紅葉撲征衣建昌東望桃林日落  
照長河且駐驂

古體尤工惜幅隘不能備錄茲擇其調短音長者錄一

以概其餘山海關解借家人置酒賞梨花用東坡賞杏  
韻云邊城天氣寒無春莽莽風沙愁殺人清和四月殘  
凍坼綠波蕩漾吹浮萍山禽喚起山花發深院梨花白  
如雪縞衣仙子淡無言暖泛香雲影迷月環珮聲鎖重  
門中賞心莫使金罇空芳菲對酒能幾日玉顏一醉添  
微紅

五古超遠以閒居吟八首爲最茲錄其末首云境逸志  
則養慮澹物罕緣屏居滌煩思要在能靜專五畝陋何  
厭蔬食殊晏然把書北窓下岸幘春風前竹樹交蔭綠  
鳥聲一何歡俛仰欣自得幽契從遐觀卽遇多所獲安  
事求神仙嗟哉大地中苦爲憂患捐太息不能置感激  
還獨憐衡門可以栖櫛散希樂天

五絕山行云山行不見山欲問樵夫路行歌時一聞又  
入雲深處歸雁云鼓角聞邊城空堂忽已晚酒醒人未  
眠月明雁聲遠

七絕咏木棉花云萬朶紅雲海上來託根應自倚蓬萊  
恍疑瑤島羣仙宴飛墮當筵赤玉杯比喻工切

摘句七言旅店曉發云星沉埃火天逾濶雪壓吟鞍馬

不驕春草云沒馬香泥新雨滑抱山晴黛夕陽多帘影  
遠低沾酒市屐香時過踏青人新秋懷友云深殿燈光  
搖客夢寒門水氣逼詩心三閭大夫廟云湘娥有淚蒼  
梧遠山鬼無情木葉深冬遊洪山寺云松濤滿徑生寒  
雨塔影臨風倚斷霞冬遊霽園云地無絃管催詩籟鳥  
帶烟雲入水鄉送友云秋色淡從涼雨覺離情深爲故  
人含夏日雨後云輕寒陣雨深更後空翠濃陰小院閒  
遊角山頂栖賢寺云薊門烟樹層巒隔榆塞風沙大漠  
陰獵北郊云馬踏晴沙帶寒綠鴉翻殘照度空青巡邊  
云數擊曉角高峯月萬帳平沙午夜霜

五言池上草堂云竹韻含風細松陰挂月涼花壓迴欄  
窈風來虛榭多樹深時有籟花暗坐來香感憶云火雲  
烘棧道瘴雨入邊城再題雲水草堂云日斜鴉點亂風  
急雁聲殘寒夜獨酌云風霜消宦味花月冷春宵皆可  
傳誦

將軍又有句云豈有萑苻終梗化儘聞刀筆擅容姦有  
慨乎其言之也且此語良確實爲古今之通病而目前  
之至論非過爲是激切之語愚謂今之病非特一容字

更有一激字在焉苛斂朘削偏聽枉斷濫刑勒捐縱胥  
役辱軍功不裕其衣食之源惟嚴其迂腐之禁絕其生  
而驅之死民焉得不爲盜哉旣梗化矣有司則顧其考  
成又或爲粉飾多方諱匿胥吏則受其賄賂恐喝被害  
抑之不言擱之不行而盜遂無忌憚矣激與容合良善  
皆變爲盜賊可慨也夫予嘗謂斯病恐大吏未之知也  
將軍而能知此其留心民瘼可想矣當必有良策處此  
焉

果將軍名

爾敏

字性臣號杏岑又號鐵梅科爾沁人博

爾濟吉特氏隸滿州鑲黃旗先世貝勒喀公以開國  
功世襲散秩大臣一門金紫八葉貂蟬將軍由宿衛出  
爲廣州右都護今升杭州將軍愛才禮士虛懷折節毫  
無世祿氣習故與樂初將軍極洽聲氣同也所著有洗  
俗齋詩草茲錄其佳句如元侍宴恭紀云雲堦月地  
做瓊筵共覩 鑾輿降九天鳳沼波涵仙仗影鰲山光  
繞 御爐烟樓臺春暖紫花柳劍珮聲清合管絃同  
沐 恩波瀛海上 九重雨露自無邊冠冕堂皇與  
題相稱不減沈宋落葉云搖落何須感歲華飽霜老幹

尙槎枒乾聲爽脆初行鹿寒影蕭疎易辨鴉水國沈雲  
漁子艇山村薄暝野人家天公特掃林巒淨要讓梅開  
第一花結句超出題外想見胸中別致庚午季夏聞津  
門近事感賦云手馘渠魁快此朝耶蘇寇能黯然消十  
年公憤摧騎虜一夜軍聲撼怒潮上將神威開八陣  
天王大計討三苗會當直搗龜茲穴萬里樓船建赤標  
擬金陵懷古云金粉銷沈王氣終白門吟望思何窮六  
朝割據荒烟裏三國興亡落照中龍虎有形悲代謝江  
山無恙閱英雄吳宮楚殿今安在只聽蕭蕭蘆荻風鎮  
海樓云振衣慷慨獨登樓百粵山河一覽收北極星辰  
天遠近南荒瘴氣日沉浮羊求有穗連年稔鯨息無波  
大海秋迴首中原生百感何時笳鼓靖秦州秋興八首  
用杜韻錄其七云白帝威權肅殺功將軍勛業笑談中  
鳳臺旂影搖初日鱷水軍聲咽晚風甲洗秋河兵氣靜  
筵開鈴閣醉顏紅一時煊赫非常事倚伏何人問塞翁  
可爲今之驕將捧喝五律如擬王右丞風勁角弓鳴云  
胡馬朔風鳴秋深大宛城天高賓雁少霜重錦貂輕鐵  
甲朝傳箭銀刀夜斫營樓蘭猶未斬壯士氣難平七絕



小游仙云雨過遙天落晚紅蓬萊頂上挹清風愛他五  
色雲容麗笑擲鸞絲繫彩虹塞上曲云冷月生芒照大  
旂胡笳聲咽北風悲五更雪壓穹廬頂滿飲葡萄正醉  
時萬頃平沙積雪明輕裝小隊趁宵征夜深直上天山  
頂颯颯邊風鐵甲鳴乳酪瓊酥野宴開轅門暮雪照輪  
臺叵羅快飲黃羊血禿袖胡姬進酒來豪邁風雅想見  
輕裘緩帶之度而亦見

昇平景象今昔迥殊焉

咏漂母云未必風塵識俊英薄施偶亦婦人情淮陰何  
事甘圖報一擲千金買令名工於翻案恰有至理不似

咏嚴子陵者之妄薄高賢也五絕早起云清風生遠林  
幽鳥鳴高樹倚檻納新涼槐花落如雨摘句如奉使喀  
爾喀塞外云窮邊春晚鶯花少大漠寒凝雨雪多落葉  
云一天詩思催征騎萬戶秋聲入暮砧粵中九日憶友  
云雨過花田秋夢遠月明珠海夜潮涼佗城云四時天  
氣陰晴變萬派江聲日夜催登鎮海樓云羣峰過雨雲  
嵐合大海浮空日月懸白鷺潭云西去雲沉翰峽雨東  
來風挾虎門潮夕陽云水村雲靜懸魚網花塢春深照  
酒旂一灣流水孤城角十里平沙古渡頭秋暮有感云

詩骨半從愁裏瘦游懷偏向病中違晚風吹夢冷於水  
新月入詩涼似秋春早云十里軟風紅杏塢一天微雨  
綠楊橋珠江云飛花香墮玻璃盞夜月光生翡翠航杏  
林莊云名園松老雲容靜古寺烟深鐸語清珠江晚泛  
云兩岸帆檣喧估客四圍雲水傲遊仙落花云夕陽樓  
閣好春去細雨簾櫳香雪飛五言云涼生雲外月秋媚  
座中人馬嘶紅葉地風過碧雲天草隨風作態花借雨  
生香帆影懸秋月鈴聲破曉烟夢隨孤月冷人逐曉風  
寒燈昏鄉夢隔雨重海濤腥天作蒼涼色人多感慨情  
贈文樹臣觀察云冰霜挺孤節珠玉合成詩皆佳

詩之爲道可以知人心之邪正風俗之厚薄時政之得  
失國家之盛衰故頌揚譏刺在所不廢聞之者知傲言  
之者無罪故古有輜軒采風之制然詩以溫柔敦厚爲  
主者其頌之也最其加勉其刺之也望其速改其詞雖  
殊其存心則一自古道曰滴頌者詔諛刺者痛詆故由  
此賈禍者多而明哲保身者以此爲戒果杏岑將軍有  
句云新詩切忌干時政醅酒應知誤少年然有心世道  
者撫時感事鬱於心則必宣於口果公雖爲此言而亦

有感事之作則知非忘情於世道者也時政未嘗不可  
干也要在以忠厚蘊藉出之耳如太顯露未有不買禍  
者予昔年多以竹枝詞論時事所作不下數百首今集  
中概刪焉因嫌其露也鄭意堂明府 曉如 山東曲阜人  
所著有周易集解聖師考已梓行世聞予作詩話以詩  
規予有須知早醒浮生夢莫重成連海上琴之語予深  
感焉索其詩秘而不肯出固問之則曰少年酷好吟咏  
每以韻語論時政不幸而中旣而悔之集已付梓今深  
藏之當余身不以示人也明府有山東硬漢之號而尚

如是想閱歷深而有所見者耶予采詩數月吟風弄月  
及舒懷抱之作居多其留心時事以詩紀事可稱詩史  
者惟吾鄉許雪門觀察一人而已觀察名 瑞光 善化人

現任浙江嘉興府自同治元年克復嘉興卽擢守其地  
迄今尙未遷調十餘年來生聚教誨瘡痍悉起禾人愛  
戴如慈父母惟恐其去觀察亦不忍去太守之久任未  
有若斯之久者也所著有雪門詩草自編其集曰悠遊  
曰蒿目曰上元憂樂之情因時而變讀之自道光至今  
六十年中國家之由治而亂由亂而治將帥之賢愚民

情之苦樂中外之情形軍務之勝敗歷歷在目直筆褒貶語復蘊藉得忠厚之旨且可爲他日史書之助近今詩人所未有也吾嘗謂可與會文正公文集共觀而知天下之事焉

廣滙東明府

禮

姓安氏漢軍鑲白旗人性風雅瀟灑絕

俗不多吟咏而恰有佳句如下水船爭飛鳥去遠山僧踏亂雲歸宦途似海原多險世事如山盡不平航海云波濤敢涉憑忠信世路難知任險夷皆可誦其尊人淪川先生英濟判潮州有政聲君年纔逾壯而襟懷澹遠亦可卜其爲良吏也

南韶連道華堯峯方伯

祝三

慷慨愛土然心有權衡非

如孟嘗君之徒爲豪舉也予謬承青垂感深知已公今春晉省便服往謁挹其丰度老成恭儉殊無顯宦習氣恨重聽難聆教言惟手書數行以代談論而已頗爲其左右所深訝而竊笑予亦赧顏不可以久留也蓋予自患聾以來未肯一作呈身御史雖往拜亦不請見抵粵一載惟見華與文樹臣觀察兩公而已華公早入詞垣兩秉文衡而淡於仕進咸豐中粵逆猖獗江右蹂躪殆

遍公籍隸廣信之鉛山練團助剿捍衛桑梓民賴以安  
及守隴右循聲卓著而心淡仕進歸卧山中十年不出  
廷臣交荐始起由諫垣出履今任惠政宜人官民交感  
口碑載道卽其憐才一事已罕有匹矣與予無夙誼無  
先容惟以筆墨遽干遂成知己惠愛之情有加無已而  
予僅一識荆也適朱子畚別駕處窘境已極予惜其詩  
才而力不足乃致函於公旋厚贈焉予自謂此事非我  
不肯言非公不肯聽也公詩才卓犖而不多作復深自  
謙秘茲於粵闈餘事編錄一二以報知己焉其和劉樹

君觀察原韻云鼻端久忘木樨香捧檄重登選佛場萬

手齊搽修月斧七襄誰報織雲裳文堪命中他休問弊

總防流法敢涼

鈞按此聯押涼字不獨別致且見其平日惠愛之政嚴而不苛

吏治詩

才都卓絕所欣將伯有龔黃又和星使韻云揭曉期占

落帽辰片時茵溷判來因桂宮豈限人人到花樣宜翻

簇簇新莫謂青垂增價值須於紅勒厲陶甄目迷五色

坡仙愧寄語同闔握鑿人佳句如詩能揭要詞無費性

不趨炎夢亦涼中秋闈中望月云我生六十五春秋瑣

院曾經十度遊

鄉試六典試二  
監臨提調各一

月亦笑人閒不得祇今

照出雪盈頭

桂林張石麟明府

珠

令與甯有惠政去之日士民徵詩

歌功頌德顏曰齊昌去思篇已梓行者數百首未刊者百餘首猗歟盛哉是非有實心實政奚能令人感激若此誰謂粵省民風刁悍難以德化耶君亦作留別八首惠愛之情溢於言表三年治績歷歷如見特全錄之以爲民父母者勸其詩云問絹當年嶺海行携琴還復忝專城脂難自潤焉辭拙清受人知己近名古郡山川開典午新秋風物煥長庚臨歧不洒分衿淚轉爲蒼生涕

泗橫

先大夫服官封川

絃歌聊復勝桁楊一

曲姑揆范履霜革面更希臬化鳳盟心先誓馬如羊情原多幻須求實居豈難安未敢康莫怪爰書頻削牘古人折獄重惟良

邑有重案數起株累多人爲設法寢其事

頻年講舍絳帷開

幾許珊瑚入網來皓首窮經登伏勝非公不至得澹臺蘭膏繼晷輝芹藻槐市尊師闢草萊養以大烹慚未逮端資新尹出羣才誰蘇曠濕奠洪流欲別依然抱杞憂十兩偶愆田變石三篙驟漲屋成舟白茅屢致桑林禱黃竹同防匏子秋願挽狂瀾東注海銅鞮高唱貽來麩

興邑山童沙積河高於田水源短竭苦旱

苦潦祈雨祈晴屢應如響亦僅治其標耳北邙遠望儼

坡陀可有幽魂怨蒞蘿化鶴千年歸骨少青鳥一卷誤

人多埋齒久著成周法提耳難醒春夢婆廣漢高風深

仰止孤寒八百奠岩阿邑俗惑於堪輿多檢金不葬乃捐廉置義塚一區塋孤骸至七百餘

百餘纒纒詎必盡從繩大戒何妨用小懲去惡首先除

害馬亂聲先欲避營蠅名稱沒世修難立過以知仁寡

未能武健精明非自謝昔年忠恕是師承下車嚴懲衙

為之一變俗喜浮言鎮之以靜不戒自止三載剛逢考績年去來風送木樨

天著鞭運甓心猶壯舉簞投香志早堅虞芮訟成期讓

畔朱陳姻好勸分泉道旁料有山陰叟怕學劉公選一

錢門爭之案多日爭水起畔雅無長物累輕裝賸有新

詩壓滿囊輿誦慚聞歌子產馬嘶安忍別桐鄉平疇雨

足桑麻綠大道風和穉稷香攬轡踟躕仍慰藉好占魚

夢叶農祥觀此詩溫柔敦厚不愧風人之旨而為政之

本亦不外是宜民情之惓惓也去思篇中佳句甚多惜

幅隘不能再錄張君以名孝廉作令尹所至以作育人

材為首務文風勃然修己律身慷慨好士集先賢格言

為厚躬錄刊以勸世道學而不迂腐洵難得者也其大

父東崖公

希呂

由孝廉挑補訓導擢縣尹知荊州之松

滋捍水患賑災黎全活數萬遺愛在民先尊公 令封

川亦多惠政三世循良亦難得矣後起應未艾也

試院煎茶最爲韻事近以粵東爲最每於鹿鳴宴後新

編迭出如方子嚴觀察鎖院聯吟及琴簞應和諸集而

孫稼亭司馬

福清

屢與分校每撤棘後卽裒同人唱酬

之作爲一編顏曰粵闈餘事三入棘闈遂成三編并以

相示其中佳製甚夥不能悉收爰擇錄數公以存其人

而傳其事焉孫君浙西名孝廉初官山右繼改粵東風

雅好士工書畫尤嗜吟咏應任皆有政聲大府器重胸

衿瀟洒詞旨超脫其庚午八月九日闈中風雨感賦云

尙遲一月作重陽風雨無端送晚涼矮屋沉沉燈欲施

鎖闈寂寂漏初長萬千人裏誰高咏二十年前我慣嘗

坐對疎簾清不寐爐烟微裊海南香又云四壁秋風雙

袖淚一燈夜雨十年心杜牧一麾香案吏樂天七字性

靈詩簪花愛仿黃初帖對酒貪吟白也詩夜得一佳卷

誌喜云斗轉參橫夜氣清奇文欣賞到三更燭天欲動

星河影擲地如聞金石聲十載埋頭心獨苦一編入手



眼偏明風塵物色談何易衣鉢還深屬望情讀此作可想見衡鑒不苟題荐卷簿云海上海上六鰲初湧日雲中一鶚仁搏風殊雄偉題落卷箱云殘紅風送入簾遲虛費金鈴爲護持未許處囊誇脫穎且教藏器待逢時明珠或抱沉淵恨美玉空深韞匱思幸有青箱家學在三年重與訂心知名句如柳絮沾泥心久定木樨風度鼻先嘗荐士偶憑三寸舌樹人敢負百年心雪歸遠岫鄉心迥雨入疎簾夜氣涼珍搜珊瑚網華兼實心抱冰壺暑亦涼

張秋粟大令日雀由翰林改官亦與分校其佳句云宦

後論文慙學退酒邊話舊覺情長題薦卷云証果要從

初地入出羣已拔十人尤每房率十本荐一

余蓉初司馬祚馨佳句云八州久仰陶公督一卷新哦

吏部詩詩題係韓吏部句題落卷箱云鑄劍功成終出匣采珠

人至再傾囊和樹君觀察原韻云天風吹下御爐香

旂鼓重開大將場文陣喜頒新令甲詩才半集舊冠裳

一簾雨過苔痕濕五度秋深桂子香浙粵五入分校老我郎官

仍半刺脫胎人已看飛黃

許荔裳大令

寶琦

分校卽事云卿雲深護聚奎堂分校

重來已十霜三益喜添新編紵五經還守舊縹緗

粵東向只

十房今增爲十三房本科分得第五

風搖華燭尋張翰月滿疎簾咏謝莊

門外白袍多少輩論文好趁夜初長君爲雪門觀察

瑤

光胞兄予同里人也兄弟皆以循良著雪門觀察守嘉

興十餘年當殘破之後起瘡痍而登衽席其功績尤顯

雪門詩草久膾炙人口君不以詩名而所作如此

蔡蘋南司馬

忠沼

湖北

人和分校卽事云劒氣連宵

出畫堂將軍武庫盡青霜日華五色分朱碧月桂三生

託縹緗文陣雄飛千里駿詩情艷發百花莊李桃幾輩

承香瓣知有彭宣與季長又云穩穩欲辨羊公鶴毳毳

還憐蠹字魚君慷慨好客去歲卒於三水署中惜哉

孫壽卿大令

長齡

佳句云地有江山應獻賦胸無邱壑

敢言詩五岳頻搖酣落筆一珠獨得快吟詩

王理臣大令

鴻治

和主試原韻云恩膏何幸被遐方多

士頻叨玉尺量花樣文章臺閣貴蕊珠科第姓名香華

堂月朗知秋肅棘院風清聽漏長應是謫仙才調好鏗

鏘一曲咏霓裳

鄭時齋明府

履端

咏堂備卷云幾回入室更升堂傀儡

纔登輒下場臚列也曾分甲乙褒嘉徒自染丹黃榜花  
齊放偏無艷奎燭同輝暗有光一例孫山增浩歎疵瑕  
幸不到文章

大城劉樹君觀察

滄年

名翰林出守數郡皆著卓異主

持風雅士望所歸與方子嚴觀察齊名有方劉之稱禮  
賢好士輿論翕然時守潮郡予尙未之見也茲錄其和  
韻贈稼亭同年云千金一顧託孫陽恰好高秋月影涼  
鵬荐定知雪路近鵬搏重識海天長瑕瑜此日光難掩

甘苦當年味久嘗愧我煎茶同試院銀瓶只辨水泉香  
新班幾輩玉森森著意栽培感最深萬選明珠求售意  
十年賢宰愛民心相逢翡翠新毛羽猶記冰淵舊履臨  
極目亭臯看落葉不堪淒切候蟲吟名句如胸次江山  
隨處好眼中桃李及時新

安宥定遠方子嚴觀察

滄師

皖北望族代有偉人方氏

之著述行世者指不勝屈與其兒子箴方伯

滄願

先後

宦粵提唱風雅主盟騷壇惠政洽人士民供長生祿位  
牌於寺冕弟性情一轍除詩之外別無所好獎拔寒賤

有古人風予以重聽未之見也茲采其佳句以誌嚮往  
其催詩歌一章詠諧中出以峭拔頗類東坡歌云一詩  
甫成一詩續來往詩筒如火速每從簾外聽鼓聲剝啄  
敲門走銀鹿周君顧曲意氣豪劉君得句誇題糕子尼  
蔡荷通脫孫楚雅公餘各各揚風騷僕也狂奴餘故態  
侯要以偏師當雄隊部婁百尺不知小妄擬攀躋泰華岱  
閉門且莫通寒温萬卷文字精討論忽然好風送一紙  
鯨魚碧海驚乾坤尖叉學步顏不叔延路鄙歌供笑莞  
三千風月翰林詞就中獨少司農撰通政以戶部起司  
家故戲及之

農與我曾同官軟紅塵土開吟壇羣奴險韻鬪工麗指與

樂初將軍  
唱和諸作夜深燭炮更偏闌堂堂日月雙丸走燕雨嶺

雲別離久君恩持節司文衡天意聯鑣聚詞友詞友

惜墨等南金成虧休問昭文琴傾囊我已獻瓦礫搗管

君未投瓊琳座旁有客催不已催我吟詩報夫子索句

還如索債忙無臺可避須料理歌罷思將羯鼓搗淋漓

巨筆生新花君卿唇舌頻傳語壁上多籠絳碧紗其序

云闈中諸君子各有詩章酬答惟夏伯育主試作未嘗

示人故戲爲是歌以催之亦佳話也名句如三秋秉節

馳官驛一路看山到穗城  
蘭茝色從堦下發芙蓉  
花向鏡中新

浙江仁和樓次園太守

震

由詞垣出守惠州歷典繁郡

皆得民心洽士論禮賢好客然  
權衡人物不徒豪舉其和主試  
七古原韻云一規月落微風生  
檐前鐵馬度不鳴鎖院沉沉萬  
籟寂滿天星斗雲羅輕三人之  
占言用二西窗剪燭殷勤意新  
詩百鍊洪爐煎浣露三復詞湧  
泉不必越羅楚練錦裁蜀居然  
咳唾飛珠玉京華惜別歌調飢  
重逢珠海喜溢眉大開珊瑚向  
南海釣竿我亦

欣相隨會看木樨香滿一笑出門去  
正好重陽佳節把酒持螯時名句  
如芸館風清鶯出谷穗城秋老雁  
來賓和聲鳳鳥鳴天上跋浪鯨鯢  
出海中鳳飛閩苑箕裘衍虎踞文  
壇壁壘新朗月入懷金鏡澈秋風  
拂面木樨香癸酉主試粵西靈川  
周鼎卿太史冠闡中述懷四首之一  
云厲公猶記六年前寄跡湖山亦  
偶然陸賈干時非說士劉綱挈眷  
似遊仙越臺石躡三春展滄海輪  
飛二月船不道客星留照處使星  
又續再來緣蓋太史昔以散館愆  
期挈眷厲此數載亦佳話也

山東濰縣張友山中丞

北棟

癸酉監臨和主試述懷原

韻云煎茶重話 帝城春我亦霓裳隊裏人銀箭低傳

宵似水珠簾深隔地無塵同寅協替周防密令甲編排

壁壘新敢爲居官憚勞苦風檐猶記昔年身兩度持麾

駐瘴鄉幸銷鋒鏑事耕桑觚稜夢醒懷京國鎖鑰才疎

愧粵疆化俗人宜培學校論文君自峻門牆盟心共飲

珠江水一勺甘鹹細較量粵中烽烟廿載不息民情刁

悍弊竇極多闡弊尤甚公立法嚴防是科風清弊絕而

頑梗亦漸化是詩蓋紀實也故封疆大臣有才尤須有

福又和星使韻云育德久經涵 聖化生材原不限蠻

鄉是大臣語

江西新建蔡荷溪明府

逢恩

佳句如和主試述懷原韻

云斯文賴作中流柱薄宦如撐上水船

馮子立太守

端木

河南祥符人典首都郡有善政去秋薦

卓異入 覲士民徵詩歌頌今春回任聞巷忭舞其得

民心如此和主試周太史原韻云桂林領取一枝春

星使

已酉解元那許江湖作散人顧曲風流清有骨衡才冰鑒淨

無塵驛亭把酒矜題舊鎖院吟詩句選新艷說棘闈締

蓮社共邀明月證前身又云玉宇高擎仁壽鏡珠江齊  
放孝廉船李陶村廣文作詩送其入都回任後又作二  
律誌喜其前一首紀公實政茲錄之云梗化由來說海  
疆使君德政靖豪強要培風俗先倫紀爲遏奢淫定服  
章移孝作忠千載少望雲就日兩情忙蕭規踵武難爲  
繼留與珠江澤溥長可見士民愛戴之深

河南南陽翟英甫大令

飛聲

贈孫稼亭同年云秋宵雨

過嫩涼天鎖院新茶試再煎半榻雪泥留舊印三生文  
字證前緣

上科同入  
簾分校

金蘭結契風兼雅丹桂飄香月又

圓陸氏美莊添也未經師衣鉢愧相傳

江蘇崑山徐契芝大令

魯符

工書工詩著有甘白齋詩

草予未之見也茲錄其和主試述懷原韻四首之一云

會領番山數載前自嗟俗吏髻幡然福星近接慚非侶

霽月高懸望若仙夏質周文原其轍

是科兩主試爲夏  
伯音通政周鼎卿

太李膺郭泰合同船南宮七上空垂翅猶結文章未了

緣君歷任皆有政聲

癸酉副榜陸石孫

應瑄

呈孫稼亭明府四律絕佳茲錄

其一云曉色征帆遠珠江渺渺波十年懷雅範幾日聽

騷歌宦績新州著詩情鎖院多琴堂刑政暇高咏更如  
何通首唐音

文宗吳子實學士寶想乙亥典試廣東即授學政公江

蘇世族科第蟬聯先公令香山多著功績紳民繪鐵城

保障圖徵詩成帙會撰楹聯云常將清白貽孫子獨自

焚黃質鬼神公誕於陽春縣署故小名春生四十年來

持衡舊地何減堂開畫錦之榮誰謂廉吏不可為哉故

其闡中述懷四律如作年譜蓋紀實也茲錄其二云我

躬初誕溯壬辰甲第重開氣象新王辰科姓舫先叔得狀頭昨先祖王茂

會狀適三十年名錫春生懷舊邑時逢秋試咏嘉賓時先嚴

文成射禮懸弧日是利文題必也射乎喜報家書放榜晨今忝持

衡來粵地聚奎堂上話前因轉瞬駒光廿四年遺型回

溯淚潛然空聞輿論心香規賴有楹書手澤傳景駐桑

榆耆舊在蔭餘桃李子孫賢當時清畏人知意重為焚

黃告上天

江右南城劉綵霞司馬鼎風流自喜詩工組織存有秋

齋詩草待梓其淑配許氏名晉福號鏡笑亦能吟咏名

其集曰嬉左齋聞予作詩話出稿囑選閱之才情兩稱



可謂佳耦矣秋齋七律咏公子云游絲輕拂碧油幢夾  
道芳塵十里香高柳綠分盤馬路野花紅入鬪鷄坊閱  
招燕市吹簾客還訪邯鄲挾瑟倡宿酒未醒人未散醉  
餘扶上打毬場此詩風流蘊藉不着一字而諷刺之意  
自深閱此轉覺李義山諸作太著相矣訪友云秋光明  
瑟入桑麻短棹言尋處士家種菊人爲今靖節著書才  
是古南華清溪一艇涼鷗夢野水三篙寒蓼化晚步江  
鄉思泛宅星星燈火上漁父金川門四首悲壯沉著議  
論正大對仗工穩茲錄其一云枋國齊黃肇禍胎金川

門變鼓聲哀已教天子爲僧去還得頭陀作輔來三十  
鶴鸞依草野數重瓜蔓委蒼苔從亡尙有松陽老一讀  
離騷首不回又云報恩有塔心猶愧殺叔無名語太疎  
三昧火焚羅漢獄再傳燈續祖師禪均佳

五言立秋日粵西舟中有懷云頻年嗟作客轉盼又新  
秋落葉漸鋪徑涼風時送舟所思銀漢渺高咏水雲流  
笑問叉魚者今宵酒熟不維舟金盤灘云波湧吼長鯨  
風高萬壑鳴江河喧地籟猿鳥變秋聲夢短烟光合詩  
寒夜氣清吟成老蛟泣山雨逼燈青此作頗似摩詰風

勁角弓鳴格調北征雜詩云一身兼僕隸萬里挈妻兒  
雨雪長江棹風雲大帥旗聲詩歌變徵歸夢惜愆期點  
點思鄉淚人前未敢垂

五絕山行云山人踏雲來人去雲仍在鐘聲度板橋半  
落碧山外頗似摩詰

七絕擬唐宮詞云斜掠雲鬟鏡裏驚笙歌昨夜出華清  
曉來聽得宮人道新譜霓裳第一聲偶見云荳花棚下  
淨塵埃日午風清簾自開隔苑薔薇可人意一枝眠過  
女牆來馬嵬坡云成就娥眉殉國名九重原自太多情  
馬嵬坡與長生殿一樣君恩莫問盟可謂工於翻案咏  
古之作若無新意人云亦云不如不作之爲愈也

摘句五言水月洞云萬山浮地出一穴闢天開偶成云  
韶華催髮短江水逼人寒秋風游子淚杯酒故人情

七言抵京寄家云浪破萬重風有力窓開三面水無邊  
感懷云一事無成書亦廢中原有故世需人送友云無  
多知己偏言別有用文章不救貧疎拙合招流俗謗清  
狂自喜性情真軍中雜感云金銀氣王輕肝胆憂患交  
深過弟兄題張氏園壁云叢樹影篩三徑月層岩陰積

九秋霜不堪世事聊中酒小住名園合著書老僕云綠  
鬢已傷同輩盡朱門親見幾番新數聯皆可傳誦

五古秋齋月夜云雲破月迺出窓紙忽開朗空堦闐無  
人興到每獨往遙天一鶴飛戛然振高響良宵殊妙歡  
相對影成兩目送南征鴻尺書結懷想頗似浩然

七古秋窓風雨詞云花氣如潮天冥冥梧陰印地秋無  
聲幽人垂簾坐風雨山影肩愁倚燈語重襟瑟縮秋夢  
多烟水微茫不知處此則足與六朝人頡頏矣

嬉左齋集中多填詞工小令其夢綠軒夜起填菩薩蠻

云秋聲入夜燈花落繡帷生怯湘紋薄徙倚畫屏前阿

鬟催着眠 夢回鴛枕冷獨背殘缸影撲鼻玉蘭香月

移花上窓曉起前調云賣花驚醒樓頭睡雛鬟細語頻

催起對鏡理新粧髮邊花送香 花香迷蛺蝶婉轉飛

還歇蝶也或情痴惹人低首思長相思閨思云杜鵑啼

鷓鴣啼窓外流螢三兩飛夜深人未歸 月移西燭留

輝瑟瑟秋風入繡幃畫屏花影低如夢令卽事云倦繡

紗窓閒坐細語堦前潛過着意捲重簾軟步阿鬟誰箇

休躲休躲小字鸚哥啼破蝶戀花紅園小睡云北斗闌

千低井絡眉月朦朧斜掛庭西角風送棋聲敲畫閣香  
烟鎖住紅紋幕 星眼迷離剛睡覺一縷詩魂夢裡還  
尋着夜半枕函花盡落驚人月下閉鴉鵲首夏聽雨苦  
薩蠻云蕭蕭雨打芭蕉綠絲絲細向簷端續春去恨重  
重榴花新綴紅 棋聲敲不斷攪得人心亂無語枕書  
眠風光滿眼前

七絕漁兒曲云長夏江鄉畫不如柳陰疎處女郎居夕  
陽欲墮月初上釣起一雙紅鯉魚風韻殊似宋元人小  
品其早春遊興一聯云樓臺春柳困溪澗暮烟殘可人  
摘句圖諸作皆不失閨閣本色女士爲贛南道許星台  
觀察之長女番禺人也予笑謂滌霞得如此內助其幾  
生修得耶

唐人詩有殘霞蹙水魚鱗浪薄日烘雲卵色天卵色天  
者蓋謂天青似卵色也東坡詩亦云笑把鴟夷一杯酒  
相逢卵色五湖天後人改爲柳色非又花間詞一方卵  
色楚南天註以卵爲柳亦非今人詩罕有用此典者  
銀蒜者鑄銀爲蒜形以押簾也宋元親王納妃公主下  
降皆有銀蒜簾數百雙故六一做玉臺體詩云銀蒜押

簾宛地垂東坡哨遍詞睡起畫堂銀蒜珠幕雲垂地蔣  
捷白紵詞早是東風作惡旋安排一雙銀蒜鎮羅幙  
鞞鞞國名古肅慎地產寶石大如巨栗中國謂之鞞鞞  
詩詞中多用之而罕有知其出處者

### 卷七終

#### 樵隱詩話卷八

象鼎氏林 鈞著

吳川李小巖孝廉

文泰

字叔寬同治庚午舉人柏巖先

生第三子也九歲登朝臺賦詩人稱爲奇童甫冠仲兄  
小蓮明經沒家無儋石舌耕供母撫諸弟任十餘年如  
一日客某將軍幕有獻俘者纍纍五十餘人將立決矣  
君知其冤固爭不得拂衣去將軍乃悟釋其俘其爲人  
如此性慷慨敦任卹賣文得金有告貸者無不應雖明  
日絕糧不計也所著有海山詩屋吟草意園隨筆博聞

廣記所著詩話多半皆記問之詞過目不忘殊難得也  
君謂予詩有性情非風月之詞予讀柳堂之序詞亦驚  
謂君之性情與予相恍惚也恨予重聽雖把臂數晤未  
能彼此悉傾肺腑數月未見頗切相思一展其集如見  
其人茲擇錄各體數首以概其餘君詩諸體皆工洵未  
易才也

五律約友

雨阻

云有約天翻妬無端雨不休君防雙屐

濕我耐一燈愁酒夢涼如水琴聲急變秋行行萬里夢

望斷古交州

余將入都

石城縣云東坡曾到地駐馬不勝情

古廟栖行客青山補缺城女兒纏足少胥吏衣裳輕欲  
覓當爐醉沿街問酒名四十字中風土民情如繪有感  
四首淒涼酸楚不減少陵不知當日大吏何龔贖若是  
茲錄二首云父老吞聲說心酸不忍聞禍樞胎土客慾  
壑飽官軍浩劫山川沸炎威玉石焚可憐皆赤子愁值  
武安君聞道頌  
新詔投誠釋舊嫌  
天恩原廣  
大將令白森嚴名字沿村索衣冠聚族殲有誰般入告  
請命爲閭閻

五絕古意云昨夜剔銀燈燈光艷如雪如何照相逢又

復照離別饒有古音

七絕消夏卽事云綠陰深處竹風清閉戶兼旬絕送迎  
最好晚涼新浴後葛衫葵扇卧桃笙梅棗酒樓云一天  
星斗可憐秋亂後相逢舊酒樓多少英雄兒女淚琵琶  
聲裏看吳鈎題畫云雙鈎垂處玉纖纖不見春葱露指  
尖剛是鳥啼春睡美桃花如雨不開簾

七律同陸晴霞主曹夜話云廿載相聞陸浚儀翻從失意  
結深知一燈分照思親淚萬口爭傳寄內詩故國春風  
怨楊柳近關山色學胭脂白頭垂老紅顏少莫戀燕

姬白玉卮鎮署懷古云當年藩邸僭稱雄粵海遺蹤緬  
海同蜀破可憐姜伯約漢興甯屑寶安豐臣心石闕悲  
難白霸氣木棉驚尙紅更有龍池嗚咽水至今猶似泣

孤忠

李晉王定國改署  
爲王府後有龍池

七古烈婦行云寶江二月桃花水照見銀刀血光紫紫  
血有光名更香烈烈林家奇女子林家奇女名品姑冰  
心玉骨雪肌膚去年新作劉家婦思親淚染紅羅襦震  
來蘇蘇剛一索依然淚爲思親落弄玉歸吹月下簫劉  
晨約采天台藥忽報紅旂捲地來家家出走携嬰孩死

生分散不相顧哭聲動地飛塵埃品姑孝烈世罕伍獨  
遣郎歸淚如雨情重羅敷自有夫事急曹娥思殉夫一  
縷驚魂逐去鞭弓鞋無力行難前干戈叢裏逢烏合鼙  
鼓聲中怯翠鈿紅裙驚逐黃巾後素志堅同白壁守偷  
生那肯玷娥眉求死拚教投虎口一聲罵賊一軍譁吹  
角無聲鼓不搥此際風雲愁變色此時猘狗慘磨牙當  
前憤洒千秋血斷送初胎二月花肝塗腹剖甘如蜜愧  
煞男兒齊屈膝城中多少偽衣冠不及如花一巾幘盼  
到將軍虎穴探死當結草學啣環從今風雨錚錚夜知  
有貞魂擊賊還辛酉二月陳金釭陷信宜烈婦林氏方  
孕偕婿歸甯賊至戀父母不去賊溫語餽之大罵遇害  
腹剖胎見焉故作是歌嗚呼有光吾宗多矣其事其詩  
均足不朽

摘句五言那射嶺云波光搖樹動山勢壓帆低馬鞍嶺  
云星低螢火亂月黑虎風腥航海云萬里天風黑三更  
海日紅碣州云石頭凝戰血海角聚忠魂又亂山圍客  
夢一水界卿愁客情隨日淡卿思及秋濃七言燕中懷  
古云亂世君臣多舜禹窮途賓客有荆高木棉花云慚



無實用教人煖笑負虛名與我同其軼題名句如千古  
英雄蠻觸國六朝天子蟪蛄年成壘年年添白骨軍門  
夜夜按紅牙生耽山水渾忘病典剩琴書未筭貧事從  
過後都如夢情到深時便是愁但愁今後詩懷減不管  
來年酒債多生無媚骨何妨傲人到窮途易受恩典衣  
每好周人急倒屣猶嫌見客遲寒生翠袖花無語濕透  
春衫酒不辭

山陰趙賡堂少尉

堯卿

天性渾厚事親以孝聞曾兩割

股愈父母疾喜吟咏其詩皆從血性中流出平淡無奇

余之作詩話亦欲以韻語闡庸德專採忠臣孝子義夫  
節婦之作人可傳而詩遜者必錄之其香奩艷體之作  
雖佳不錄人品不端者不錄品疵詩佳而未至於大奸  
大惡者存其詩而沒其名但聾瞶過甚不無遺珠或爲  
人掩飾或據他人序詞稱譽失實之弊亦所不免也趙  
君與予相知以來察其言貌知爲誠實君子嗣閱其全  
集乃爲之潤色焉其尊公玉山先生於庚子十月割股  
愈其母毛太宜人疾君于戊午九月割股愈父庚午十  
月又割股愈其母疾其繼夫人婁氏年十五未字時割

股愈其父疾故咸豐八年十月邑侯劉書田旌其門曰  
孝萃一門其少君桂榮亦於辛未正月割股奉祖母其  
年尙未冠也君可謂有子矣故亟書之以勵薄俗夫一  
門孝子慈孫繼繼承承可不謂榮哉君以屢躓塲屋乃  
棄書讀律嗣遭世亂又投筆從戎練團殺賊身被重傷  
孝子必忠洵不誣也茲錄其佳句五絕雨後溪行云溪  
上人家少橋邊客棹多雨餘山色嫩風過竹聲和夜遊  
云月湧錦川流深宵結伴遊波紋微縞處橋影一弓浮  
涼夜感懷云修竹當窻繞深閨暑氣微三更涼月夜孤

卧夢魂飛

七絕寒夜泛舟云波光蕩漾夜行舟月印江湖夕照收  
雲樹蒼茫寒色迴心隨流水共悠悠題韻蘭女史詩集  
云繡佛燒香懺宿因一燈長伴苦吟身字皆珠玉篇成  
錦如此清才屬婦人

七律舜江夜返云渺渺長江浪接天三更漁火映前川  
一樽旨酒逍遙客半棹孤篷書畫船朗月疎星隨水漾  
飛花垂柳逐風顛廣甯橋畔龍華寺午夜鐘聲到枕邊  
摘句五言遊蘭亭云恰當修禊日不異永和年晚景云

鳥宿樓頭月螢飛檻外風山居云家住龍山麓門臨鑑  
水前聊飲三杯酒能消萬斛愁

七言遊小園云書靜喧傳栖樹鳥春殘忙煞掃花僮秋  
興云數點寒鴉爭遠樹一行秋鷺下孤城自題小照云  
琴鶴儘隨詩骨老溪山應笑宦情忙

劉石臣太守家柱詩前已於停雲閣詩話中錄其佳句  
矣茲復抄近作數首見示乃再錄其名句如夜酌感懷  
云能避地時塵慮少到無聊處酒杯寬哭錢筠塘資政  
四律具見性情錄其二云暫歸仍是客子子欲何之乍

聽渾如夢無期更可疑白駒過隙速青鳥遞書遲

同粵三月

未接人事何由卜含愁問子規盡耗竟如此重泉飲恨

一函深淨名幻衣狗身世悼人琴照影屋梁月招魂秋士心

蠻荒陳迹在君曾從戎貴州空付短長吟移居丹桂里與陳子

厚太守結鄰云枝栖丹桂感年年居此已三次借補今生未

了緣欲譜霓裳仍擱筆隔牆高唱有詩仙借書破例瓚  
無酒琢句揮毫紙有烟任是兩家僮僕懶不嫌時刻遞

吟箋皆清新可誦

石臣為人風流蘊藉尤深於情去秋入都爲部吏所

苦乃陶情花酒以舒抑鬱繼得李蓉仙校書聰慧絕倫  
韶顏稚齒嗜文墨知詩遂收爲女弟子焉返旆作四絕  
句送行且乞索諸詩人和欲以此結筆墨因緣以爲他  
年佳話亦風塵中不可多得者也石臣不忍負其意歸  
後乃刊原作遍徵佳作一時和者如雲予亦和其韻云  
千金倘贖文姬返有客多情願脫驂絕好齊梁詩弟子  
如何淪落在風塵筆墨因緣今遍結雙成不負識劉安  
蓋傷之亦幸之也予從不作狹邪遊者非專作道學也  
自知情深而癡每見兒女子之佳者淪落陋巷中尙爲  
之深惜况淪於烟花中耶一見其苦卽思援手而力又  
不足輒喚奈何故不知不見不聞之爲愈也偶至勾欄  
輒爲若輩悼惜在他人視之爲歡場予視之爲苦海故  
不願往焉道學云乎哉蓉仙原唱雖不甚佳然風塵有  
此殊難得且知結翰墨緣其識又超顧未知能解怨東  
風否茲錄其一絕云話別深宵玉漏殘詰朝相憶路漫  
漫癡心欲上山頭望爲有萱慈化石難失身養親其志  
亦可悲矣

鄒字有四音入五歌韻者音嗟入十五翰韻者音贊皆

地名蕭何封邑當作嗟音班固十八侯銘云文昌四友  
漢有蕭何序功第一受封於鄴唐楊巨源詩請問漢家  
功第一麒麟閣上識鄴侯漢書地理志鄴有二邑其在  
沛縣者音嗟蕭何初封之邑在南陽縣者音贊光武時  
蕭何子孫所封其外又有二音一祖管切音纂一祖尤  
切音攢加之蕭何則非所宜今人皆作贊讀未有敢作  
平韻用者

堅匏集載屠緯真

隆

云天下事有最僥倖而不可解者

沈約韻書是也東冬魚虞等諸韻向俱通用孔子作經

及漢魏古詩皆斑斑可考豈其盡屬謬妄至約而始改

正耶約吳與人局於方言蠻語不審宮商而敢背越聖

賢變亂千古後世遵之如聖經百代不敢易此甚不可

曉也約本齊臣更事梁武禪代之詔出其手後夢齊和

帝引刀斷其舌乃上章於天謂禪代之事不由己出欺

天乎欺人乎古文人之最濫得名者此人也予按此論

實確如幾機等字明歸一韻而強分爲二仄韻尤多謬

妄指不勝屈歷朝雖屢加改易終以之作藍本何也

詩律最細其大旨可一言以蔽之曰參差不同而已其

押韻也則虛實相間其用意也則情景相間其造句也則倒裝懸針等法相間其用字也則天文地理草木禽獸等字相間知參差之道則於詩學思過半矣作文之法亦不外是不獨詩文爲然也易之爲道生於奇偶錯綜天下事皆作如是觀可也

詩以氣壯爲上局勢次之詞華又次之對仗雖工落下乘矣

詩貴於鍊鍊格爲上鍊句次之鍊字爲下不知鍊則不足言詩矣

詩不可不師古而不可專師古不由古入則無法若必欲求其相似如明七子得李杜之皮毛甚無謂也善哉黎二樵之言曰其初傍門戶繼乃獨樹幟隨園之言曰今人學李杜而不知變化縱與李杜無二後之人亦不肯讀之何也舍真李杜不讀而讀假李杜耶予謂古人者規矩準繩也良工之作物固不能舍規矩準繩而其器成或方或圓初不似規矩準繩也奈何今之作詩者不若匠人耶

詩之爲教極乎天地非可以一端而論也如李則以雄

邁勝杜以悲壯勝王孟以清幽勝盧李以險怪勝元白以清淺勝他如韋儲澹逸高岑蒼老有唐名家各擅其長各造其極未可以有其一而輕餘子也近見一名公論七律專主沉著雄壯且謂宋元以來工於七律者僅一二人焉真英雄欺人語也律之宜沉著雄壯固也然此特一端而已舍是卽謂不合何見之偏耶且亦須相題而爲之也如懷古咏史則爲合作若應制侍宴諸題則宜冠冕堂皇若沉著轉不相稱矣

婦人修容自古已然詩云豈無膏沐誰適爲容則其由

來久矣時殊地異新態百出白香山有時世妝歌至後周禁天下婦女皆不得粉黛惟黃眉墨妝而已近惟吾楚婦人淡妝不施朱粉頭勒不文繡清雅之致頗足觀焉日札載美人妝面旣傅粉復以胭脂調勻掌中施之兩頰濃者爲酒暈妝淺者爲桃花妝薄薄施朱以粉罩之爲飛霞妝名色工雅近粵東婦女以胭脂濃施顴額紅若朝霞其酒暈妝之謂乎殊不耐觀予初抵粵偶見之不覺大驚旣而爲之羞繼而汗下低首不欲見之乃作詩云時世都工酒暈妝濃施朱粉態難看遊人也爲

卿卿愧我亦羞顏似渥丹

桂林陳象九明府

瀛漢

能詩善畫先以丞尉需次粵東

歸中鄉試仍分發廣東去冬繪扇見贈予謝以詩承和韻云墻東避世慕君公栖隱何須酒治尊詩境別開韓杜外文名疑在晉唐中間雲一片過南海今雨三生拜下風雅望共推林處士才如天馬妙行空模山範水幾經年酬酢新添翰墨緣笑我塗鴉無粉本知君落筆有真詮濫竽虛擲催年矢蕭瑟難餘壓歲錢風采未教俗吏接寸心先借尺書傳閱此詩其才已可概見矣

李忠毅公諱

長庚

字超人號西巖福建同安人乾隆三

十六年武進士官至福建提督封二等壯烈伯有詩集行世張南山先生纂國朝詩人徵畧序其集云

公幼學書卽書李白句天生我材必有用贈公大奇之命以今名性篤孝母余太夫人疾衣不解帶數月嘉慶六年冬擢提督受上知最深專以勦海盜蔡牽

事付之閩浙水師皆屬焉公感激益自奮蓋自元年迄丁卯歷十二年無日不搜捕海盜誓死滅賊不復有旋踵想矣乃始勝之於白犬洋敗之於青龍港覆之於斗



米洋又蹙之鹿耳門挫之於魚山又敗之於東湧砲擊  
牽從子蔡添落水又扼之粵洋大星嶼斷牽船大桅毀  
其篷索圍甚急若使粵援卽至則牽必計曰投首而無  
如其不至也牽復得脫去十二月二十五日至黑水洋  
追及之牽所有三舟耳公奮勇欲登舟忽風浪遽作倉  
卒中砲隕命嗚呼賊瀕於死屢矣乃桅斷不死舟燬不  
死蹙之絕地不死豈天故欲稽其誅以彰公之節故使  
變生不測耶其後魚山之役公族子增階隸卽帥麾下  
首奮追擊牽沉其船尋以舟爲賊轟裂墜海島水彷彿  
見有雙燈先引呼其名而挈之以出者乃公也卽王二  
帥先後至遂以成功嗚呼豈非公之忠魂實默助於冥  
冥中而終能殲逆賊報

國恩也哉公所至修學

校作義塚見義必爲有士大夫所不能者乃其生平倦  
倦惟在讀書有句云涉險有誰能共命讀書無日悔當  
年又示兒句可記阿爺臨別語讀書一事要深維年來  
頗覺風濤苦寄語吾兒要讀書其軍中詩云海上波濤  
原不測人間禍福豈能知論戰有人同性命摧鋒我獨  
履危機萬事關心惟討賊却嫌風浪不曾休廿年瀚海

心原苦百戰中流志未酬報國自應親矢石酬恩未盡  
掃鯨魚萬頃狂濤除夕夜六年五度未歸家數聯想見  
報國之殷奏功之難風濤之險海戰之危而衆心  
之不一功敗垂成若有先見焉公詩皆從天性中流出  
語語瀝心絲絲見血五倫三黨中一往情深纏綿悱惻  
固知忠臣烈士非深於情者不能爲也吐屬平淡無奇  
亦不雕琢紀事感懷殊無風月之句而其氣味深厚非  
粗俗一流有德者必有言信哉公之大節照耀古今原  
不藉詩以傳而公之作詩亦如淵明之興至卽書無意  
於傳也然使公不能詩則聽松主人不能強之入詩人  
之列則其名未必若是之著而予亦不能登之於詩話  
也名公大人亦安可以是爲雕蟲小技而忽之哉其題  
畫八絕清麗可誦雨後登樓看山云葛衫風透冷於秋  
正好前溪雨乍收四面嵐光青一色斜陽獨上看山樓  
其哭藍都督一首想見待部將如骨肉而轉結兩聯竟  
成身後讖語矣詩云數遍歸帆不見君愁腸終日竟如  
焚傳來函信還疑夢說到沉舟豈忍聞臨難捨生酬

聖主受恩無命哭將軍魚山島外傷心處時

有忠魂戮海氛嗚呼公果死後方得封爵後二年蔡牽授首實於魚山而公顯靈也論者皆比之張睢陽岳武穆洵無多讓而其遭讒獲謗兩次落職功敗垂成亦相似焉然受

睿廟特達之知生專節鉞死極褒崇公之死死於急思報國而非死於讒忌也雖兩次蹙蔡逆於絕地卒未成功反以身殉在阻撓者難辭忌功之罪使公不急於縛渠亦不至是蓋公之心鞠躬盡瘁之心舍生圖報其他不暇計也

睿廟知人之哲則遠邁古今矣其後從子部將卒能滅賊以雪公憤其

遭遇又遠過張岳二公矣公之婿陳汝璧司馬

大珠哭

公五律四首沈雄悲壯今全錄之云撤瑟沉餘響吹笳慘變聲遺書搜篋衍新論上銘旌盡瘁生平志褒忠死後名夜來頻撫劍吾欲斬長鯨青山歸骨地黑水結纓身古史儕良將

今皇得蓋臣握拳因報

國怒目尙驚人壁上弓刀動虛堂訝有神蓋棺方論定前事亦堪悲義爲同仇激忠惟

聖主知恨留南

八箭威並岳家旗死遂封侯願英雄數未奇十載依依幕銜恩我最深挑燈看草檄橫槊許聯吟將畧嗟猶在

心書意可尋

公著有水  
戰紀畧

流傳待他日千古涕沾衿陳君

一號江洲與公同邑君生而岐嶷八歲能詩忠毅公一  
見有國士之目妻以女十八補博士弟子員戊午鄉試  
報罷公招赴任所延師課讀君於詩文外繙閱三畧七  
書及樓船陳法公又以素所心得者親爲指授焉旋參  
帷幄遵衡工例捐同知籤掣安嶽署太平府同知十三  
年公戰歿君矢志復仇呈請投効得

旨允准出

洋剿捕多立奇勛補浙江甯波同知積勞成疾卒年僅  
三十九君事親孝訓子嚴御下寬好爲詩著有客中吟

行世忠毅公之殉難也君遍徵碑銘哀誄咸爲上石鏤  
板以故公之名益彰復能冒險忘身以死勤事公之知  
人君之能副其知以比古之冰清玉潤尤爲事處其難  
矣其佳句之可摘者如鳥隨雲影盡人逐水聲忙亂山  
銜落日危石激微波酒因獨酌難成醉心爲相思易感  
秋曲徑花殘猶有竹訟庭晝靜慣無人筆多遊戲詩難  
穩官愛清閑吏亦貧不信多情難作佛須知有夢卽遊  
仙皆佳又有二聯云官貧漸覺知心少米貴偏逢食指  
多學廢自驚奔走久家貧轉覺別離輕不至其境不知

此語之工

邇來中原肅清偃武修文各將帥皆從事翰墨一洗從前赳赳之習其氣質未化者皆見輕於時故或習書法或習丹青務見一長以免人請鮑爵起字春霆以勇健聞

穆宗嘗稱爲東南諸軍之冠初不識字尤輕文士及封爵後折節讀書喜與士大夫往來且敬禮焉其家蓄古今名筆甚夥宋徽宗之鷹子昂之馬皆購以千金亦可謂好事矣同治九年予客夔中館其府中見其所畫牡丹已可觀矣霆軍素少識丁之將及將凱撤

時漸有習字者前歲予遊金陵宋長慶

國永曹仁祥志

忠兩軍門皆霆軍宿將也亦重詩人聞予名詫曰何以昔年不知有此人也其幕友某諛之曰曾在麾下效力深自韜晦故人無知者兩軍門以爲予出其部下爲榮而不自知其氣質之變也江皖多儒將吳筱軒長慶歐

陽鑒非

見利

張凱臣

得勝

喻覲勛

吉三

此其最著者也

歐陽與吳工書法能詩文予皆未見而張喻兩公一見卽以國士相待惜予之重聽而不能用也喻公知予最深解衣推食之誼非今人所可及五日不相見則恐予

之病也必差弁來問每入署必日落時談至三漏方歸  
與予論天下事及練兵法尤意同志合有事必諮蓋予  
三十年中所遇武將之知己者惟此一人而將軍之不  
好武且知大局者目中亦僅見此公也而予之重聽與  
他人言不能悉其半獨喻公附耳而談娓娓平言無不  
悉聞亦奇也惜其敵愾在衆將之先論功居人之後門  
生舊部或取封爵或早專閫而公鬱鬱於一城守協局  
小人浮不肯屈予而猶冀年方及艾前程尙遠予來粵  
時特作七古一篇別公有云公年未老我方壯龍虎風  
雲會有時不意今春正月一病而逝嗚呼痛哉予聞訃  
淚不能止者數日作詩遙輓把筆痛心久不能成他年  
回籍時當於墓前展拜求其事實以爲誌銘而報知己  
者如此而已

遊粵以來得武將之能好士者如翟子英國彥方照軒

曜劉希賢光裕三軍門利燦廷輝鄧葆臣安邦兩協戎

皆知重騷客恨聾曠皆未得見其英姿焉近日得識聶

廕堂軍門桂榮氣宇不凡識大局且能詩有兩聯云頻

年作客心猶壯一劍隨身手自磨世路漫嗟知己少丈

夫不願受恩多其胸衿可想矣軍門係黔人由世襲出身早握統篆屏障江淮屢立奇勛昔年奉英西林宮保奏調來粵未行其志者也

福建光澤邱翼廬太守才穎以孝廉出宰粵東歷任大

埔東莞新會香山諸劇邑並分府佛山宦粵數十年惟

宰香山遺愛至今蓋其時紅匪撲城勢危急公率鄉團

堵禦剿撫兼施克保危城民賴以安功聞擢太守其德

配上官夫人六秩壽辰士民感其竭力捍禦轉危為安

之功德歌頌甚夥公仙遊日香民間之無不流涕時邑

紳曾卓如制軍望顏輓之云禦侮藉鴻猷記當年戮力

同仇全仗一誠通衆志積勞膺懋賞羨此日衢謳巷祝

長留惠澤在人心何小宋制軍景輓聯云想當年桑梓

蒙庥無慙百粵賢侯萬戶生成歌召父念此日樾棠遺

蔭堪仰八閩碩彥千秋垂望戴郁公讀此可以想見保

障香邑之功有此一端保全者象遂生賢媛震驚中外

本年六月二十日事也先生之孫女閩姑用侯太守玉

珊之女也母陳恭人為名幕陳訥人先生之女閩姑生

有至性秉姿聰慧三歲失恃繼母文恭人樹臣觀察之

胞妹也撫孝女如己出而孝女自幼即能先意承志父  
母伯叔無不鍾愛之爭撫養焉稍長通詩書居其繼母  
及伯父母喪皆極哀毀用俟先生以疾去官而使其子  
入仕版仍宦粵僑居羊城閉戶養病孝女久爲其伯摯  
之回閩去秋聞父病由閩來粵晨昏溫清曲慰親心已  
而父病浸劇孝女私割臂肉和藥以進日夜祈禱願以  
身代而父疾終不起孝女椎心泣血乘間仰藥語其家  
人曰父疾之不瘳由於兒心之不誠願隨地下以報罔  
極也諸昆季其善襄大事遂長號數聲而歿時父亦將

屬纊矣後解左臂見創痕始知有割肉事年方廿一歲  
予聞其事而哀其志且可以風世也乃作七古一章並  
徵同人和焉歌云五羊城裏山川靈不鍾男子鍾婦人

貞孝節烈皆蒼萃中外耳目時時新我來采風秉麟筆

閨閣奇聞得六七文樹臣觀亮甫大兩女誓守貞未

睹夫面歸夫室姚家家婦蕉石雌尹子婦殉夫主慷慨赴義心

獨苦李氏奇女曰平娘偉度茂才之女七歲孝親知割股剖心

愈父魯澄英浙中稷膳大合幼女事親不嫁已罕伍今聞一女事

更難烈孝高風空今古此女生長出名門太公之裔能



夷孫聞人三世官居粵明德之後毓賢媛不慕倫常倡  
隨樂惟念劬勞罔極恩用俟先生掌上珠肇錫嘉名曰  
閨姑襁褓之中雖失恃德門豈出黑心符繼母撫成如  
已出卽今芳齡已廿一養在深閨人不知十年不字依  
親膝天生賢孝爲流芳生小卽慕翰墨香冰雪聰明薑  
桂性欲爲名教振綱常承歡直學老萊子喁喁膝下雙  
親喜回頭一笑滿室春父心底豫母莞爾溫恭淑慎美  
且賢伯叔昆弟爭愛憐會隨阿伯歸桑梓慘聞親病涉  
山川阿父展轉在床褥孝女見之心踏踈以身代禱苦  
不靈何惜此身肌與肉操刀割臂恐人間親疾不愈奚  
欲生不謂修短自天定但咎兒心禱未誠顛地呼天力  
已盡孝女此時心轉定摒擋大事有弟昆願從地下補  
溫清仰藥臨終號數聲但恨無力贖親身山川爲愁天  
變色特教一死全芳名吁嗟此女孝且烈行道人間肝  
膽裂紅顏一死何所求人間愧殺鬚眉列自古有死須  
權衡泰山之重鴻毛輕女子輕生世恒有或因小諒或  
因情況復江河日趨下琴瑟情深鞠育捨殉夫就義已  
難求誰是以身殉父者古稱孝女有緹縈木蘭代父遠

從軍曹娥沉江處其變誰料今人勝古人生男勿喜女  
勿悲試看斯女作門楣分茅列土笑足貴成仁取義方  
光輝我本心扶名教客喜揚幽光闡潛德采訪畸行入  
詩歌不得鬚眉得巾幗周南傳裏六七人必以斯女爲  
巨擘夜深把筆作長歌聲淚俱下涕滂沱昔日從戎嚴  
父背終天抱恨難消磨醜顏偷生十餘載爲有慈親兩  
髻皤孝女之風起頑懦聞之使我傷心多聞之使我傷  
心多寄言人子將奈何所徵各詩尙未彙齊付梓俟成  
集後當再擇尤錄數首焉用侯先生詩不多作歿後予

索其著作其嗣君喬樓錄其易簣時絕筆一首見示詩  
云宦海浮沉五十年繁華過眼總雲烟生來傲骨甘隨  
俗拙得閒身不羨仙壯志未酬君父德癡懷敢冀子孫  
賢從今撒手成長別回首鄉關一點然亦可知其志矣  
先生有子五人與予相識者其次君喬樓名立翔也年  
才十九歲而有志於風雅喜與諸名士遊學詩於孫稼  
亭司馬福清予喜其虛心能受直言詩口清穩他日所  
至未可限量也其柳如未吏腰常折花上美人頭更香  
咏白桃花云莫嫌人面蛾眉淺崔護重來兩鬢霜夕陽

芳草外流水斷橋西數聯頗有風韻

張研秋刺史美觀建德人道光丁酉科副貢從戎積功保

授今職今夏卸羅定州回省以所著寄影軒詩集見示

其為詩直抒懷抱專寫性靈絕不依韓傍杜而感時慨

事語出至性其論詩三首與予意相合茲錄其一以曉

世之依傍古大家以驕人者詩云人心如其面面面不

相同是乃造化妙成形本天工何以學詩人揣摩在形

似高論宋與唐李杜韓蘇擬豈知妙慧悟變通無定時

時代既遞換何故泥成規試觀風雅頌各自有其旨美

刺正變間垂教實一理名園百種花紅綠黑白黃濃淡

鬪鮮妍異質各擅場山岳峙兩間大小無定相生面一

一開靈秀逞萬狀若有會心人勿向成跡討名理在目

前文章無底稿又癸丑元夜偶作云歸來卧吾廬已洗

征塵脚昨日江上雲今日林間鶴淒淒夢寐中酸風送

鼓角傳聞半疑信謂失武昌郭烽烟滿江天防兵膽已

落江右旂如織烏散影蕭索馬當列隊雄未戰早退卻

承平不知兵處堂嗟燕雀江省皖省防軍皆退賊退歸故里云夢

裏時時故宅過滄桑百感醒來多迎人無恙青山在奈

我愁吟白髮何賣字豈能揮乞米葺廬未易學牽蘿猶  
留手植薔薇好牆角紅霞片片拖秋日出遊云縹緲烟  
波范蠡舟短衣又作北平遊故人猶倒門前屣薄酒難  
消枕上愁幽町小溪南淀路澹雲疎樹蕭門秋招朋去  
攬瀛臺勝滿眼風沙一洗不名句五言如山多凝霧失  
雨細入烟無書讓少年讀心從亂後灰七言如故園云  
親年喜懼勞宵夢兒學生疎減課程偶成云疎簾月入  
夢痕冷碎葉霜敲詩句清園小易教春意足山低不碍  
野雲眠夢裏家山常到枕吟邊風雪不知寒自述云客  
至快談聊當飲詩成懶改不求名客况無聊貪覓句機  
心久息懶看棋此聯直是爲予近日寫照又云但憂家  
事真堪愧未報君恩豈是才十年竟向閨中老一  
卷愁看亂後詩此二聯亦是代予所作也胸衿如此可  
謂不凡至攜酒逢人皆可飲栽花何地不成春快事每  
從憂患得真交不在語言工其爲人之和易真率皆可  
想見

樵隱詩話卷八終

